



Pou Piblikasyon Imedya: 20/08/2024

GOUVÈNÈ KATHY HOCHUL

GOUVÈNÈ HOCHUL ANONSE 29% BÈS NAN FIZIYAD NAN KOMINOTE YO ATRAVÈ NEW YORK

Bès enpòtan nan Yonkers, Long Island, Rochester, Syracuse ak lòt zòn atravè Eta a

Gouvènè a te garanti apeprè 350 milyon dola pou redui vyolans ak zam

Gouvènè Kathy Hochul te anonse jodi a ensidan fiziyad ki gen blese yo te bese 29 pousan pandan senk premye mwa 2024 yo lè yo konpare ak menm peryòd ane pase a, jan depatman lapolis k ap patisipe nan inisyativ pou Elimine Vyolans ak Zam (Gun Involved Violence Elimination, GIVE) nan Eta New York te rapòte sa. Gwo bès sa a se rezilta gwo diminisyon dirab nan vyolans ak zam nan kominote yo ke 28 depatman lapolis k ap patisipe nan GIVE sèvi.

"Kenbe Nouyòkè yo an sekirite se premye priyorite mwen," **Gouvènè Hochul te deklare.** "Efò global nou pou diminye vyolans ak zam se yon bagay k ap fonksyone – epi mwen p ap jan sispann goumen pou asire kominote yo an sekirite nan tout eta nou an."

Bès 29 pousan an refilete 351 ensidan fiziyad avèk blese soti 1 janvyè jiska 31 jiyè 2024, konpare ak 497 ensidan soti 1 janvyè jiska 31 jiyè 2023.

Inisyativ GIVE Eta New York la sipòte 28 depatman lapolis nan 21 konte avèk majorite popilasyon eta a andeyò Vil New York.

Depatman lapolis anba yo te rapòte patikilyèman gwo bès nan fiziyad jiska jiyè 2024 pa rapò ak menm peryòd sèt mwa ane pase a:

- Yonkers: 57 pousan bès
- Konte Nassau: 56 pousan bès
- Konte Suffolk: 50 pousan bès
- Rochester: 35 pousan bès
- Syracuse: 32 pousan bès

Te genyen tou yon diminisyon 21 pousan nan kantite moun ki mouri akòz vyolans ak zam nan kominote GIVE yo pandan menm peryòd la. (70 moun soti 1 janvyè jiska 31 jiyè 2024, konpare ak 89 soti 1 janvyè jiska 31 jiyè 2023.)

Done jiyè 2024 pou chak nan 28 departman lapolis k ap patisipe nan inisyativ GIVE yo disponib [sou sitwèb Divizyon Sèvis Jistis Kriminèl \(Division of Criminal Justice Services, DCJS\) eta a.](#)

Anplis diminisyon vyolans ak zam nan kominote GIVE yo, Departman Lapolis Vil New York te rapòte yon diminisyon 11 pousan nan fiziyad (530 kont 595) nan Vil New York jiska jiyè 2024 pa rapò ak menm peryòd la ane pase.

Bidjè [ane fiskal 2025](#) la gen ladann 347 milyon dola Gouvènè Hochul te garanti pou finanse yon plan global ki vize konbat vyolans ak zam, diminye krim ak rekonèt enpòtans yon apwòch plizyè aspè ki amelyore sekirite piblik.

Investisman Gouvènè a gen ladan tou inisyativ yo rekonèt nan nivo nasyonal ke DCJS administre, ki bay finansman, fòmasyon ak asistans teknik bay ajans fòs de lòd ak òganizasyon kominotè nan kominote vyolans zam ak krim vyolan pi frape yo:

- Prèske 36 milyon dola pou [inisyativ Eliminasyon Vyolans ki Enplike Zam \(Gun Involved Violence Elimination, GIVE\)](#). Atravè GIVE, DCJS ede 28 departman lapolis nan 21 konte yo aplike estrateji ki baze sou prèv ki pwouve yo reyisi nan redui vyolans ak zam, tankou Poltik ki Akse sou Pwoblèm, Politik nan Pwen Cho yo, Disyasyon Sible/Entèvansyon kont Vyolans Gwoup, Sensibilizasyon Lari, ak Prevansyon Krim atravè konsepsyon anviwònmanal. Estrateji sa yo konsantre sou kèk moun ak kote ki responsab pi fò nan vyolans la epi angaje kominote an jeneral la laj pou bati konfyans. GIVE finanse tou biwo pwokirè distri yo, departman pwobasyon, ak biwo cherif nan konte sa yo.
- 21 milyon dola pou [Pwogram Sansibilizasyon SNUG Street](#), ki itilize yon apwòch sante piblik pou adrese vyolans ak zam nan idantifye sous la, entèwonp transmisyon, ak trete moun, fanmi ak kominote ki afekte akòz vyolans. Òganizasyon ak lopital ki baze nan kominote yo opere pwogram nan 14 kominote epi yo anplwaye prèske 200 travayè sansibilizasyon, travayè sosyal ak jesyonè ka. Travayè sansibilizasyon yo se mesajè kredib ki te pèdi pwòch yo nan vyolans oswa ki te patisipe anvan sistèm jistis la. Yo reponn ak fiziyad pou anpeche vanjans, detekte konfli, epi rezoud yo pasifikman anvan yo mennen nan lòt vyolans. Travayè sosyal yo ak jesyonè ka yo travay ak moun ki afekte nan vyolans nan kominote a, tankou zanmi ak fanmi. DCJS sipòte efò entèripsyon vyolans Vil New York la tou, li bay 5 milyon dola pou Sistèm Jesyon Kriz (Crisis Management System, CMS) li a pou li kapab ogmante pwogram sa yo.
- 18 milyon dola pou rezo [Sant Analiz Krim](#) inik eta, ki analize, konpile epi distribiye enfòmasyon, ransèyman ak done bay ajans fòs de lòd lokal yo nan tout eta a. Okenn lòt eta pa gen yon sistèm ki similè epi sant yo – ki opere an patenarya ak ajans fòs lòd lokal yo nan 10 konte yo ak Vil New

York – se sant efò eta ak lokal yo pou dekouraje, mennen ankèt sou, ak rezoud krim yo. Ane pase a sèlman, anplwaye yo te jere plis pase 90,000 demann pou asistans, ede ajans yo rezoud tout bagay, soti nan vòl an detay rive nan asasina.

- Jiska 20 milyon dola pou [Project RISE](#), yon modèl finansman inik ki rasanble pati konsène yo nan kominote a pou *reponn* ak vyolans ak zam, *envesti* nan solisyon, *soutni* pwogram pozitif, ak *ekipe* kominote yo. Nan premye ane li a, inisyativ la te sipòte 99 òganizasyon, ki gen ladan 74 ti pwogram kominotè, kote anpil ladan yo pa t janm resevwa sipò eta pou travay yo. Pwogram ak sèvis RISE finanse yo enkli sipò akademik, sèvis travay, konsèy, ak prevansyon delenkans/vyolans.

###

Lòt nouvel disponib sou sit www.governor.ny.gov

Eta New York | Chanm Egzekitif | press.office@exec.ny.gov | 518.474.8418

Enskri pou w jwenn mizajou Biwo Gouvènè a: ny.gov/signup | Voye tèks NEW YORK bay 81336

[ANILE ENSKRIPSYON OU](#)